

历朝诗约选

歷朝詩約選

七言絕句一 初唐

歷朝詩約選七十三

無名氏一首

送別詩

楊柳青青著地垂。楊花漫漫攬天飛。柳條折盡花飛盡。借問行人歸不歸。
東虛記云此詩作于大業末年蓋指煬帝巡遊無度也

杜審言一首

贈蘇書記

知君書記本翩翩。爲許從戎赴朔邊。紅粉樓中應計日。燕支山下莫經年。

張說一首

送梁六

巴陵一望洞庭秋。日見孤峰水上浮。聞道神仙不可接。心隨湖水共悠悠。

張敬忠一首

邊詞

五原春色舊來遲。二月垂楊未挂絲。卽今河畔冰開日。正是長安花落時。

王翰二首

春日思歸

楊柳青青杏發花。年光誤客轉思家。不知湖上菱歌女。幾

箇春舟在若耶。

涼州詞

蒲桃美酒夜光杯。欲飲琵琶馬上催。醉臥沙場君莫笑。古來征戰幾人回。

李白三十九首

長門怨

桂殿長愁不記春。黃金四壁起秋塵。夜懸明鏡青天上。獨照長門宮裏人。

客中作

蘭陵美酒鬱金香。玉碗盛來琥珀光。但使主人能醉客。不

知何處是他鄉。

越中懷古

越王句踐破吳歸。戰士還家盡錦衣。宮女如花滿春殿。只今惟有鷓鴣飛。

送孟浩然之廣陵

故人西辭黃鶴樓。煙花三月下揚州。孤帆遠影碧空盡。唯見長江天際流。

春夜雒陽聞笛

誰家玉笛暗飛聲。散入春風滿雒城。此夜曲中聞折柳。何人不起故園情。

聞王昌齡左遷龍標尉遙有此寄
楊花落盡子規啼聞道龍標過五溪
我寄愁心與明月隨風直到夜郎西

答俗人問
問余何事棲碧山笑而不答心自閒
桃花流水杳然去別有天地非人間

峨眉山月歌

峨眉山月半輪秋影入平羌
江水流夜發青溪向三峽思君不見下渝州

橫江詞

海潮南去過潯陽。牛渚由來險馬當。橫江欲渡風波惡。一水牽愁萬里長。

橫江西望阻西秦。漢水東連楊子津。白浪如山那可渡。狂風愁殺峭帆人。

海神來過惡風迴。浪打天門石壁開。浙江八月何如此。濤似連山噴雪來。

橫江館前津吏迎。向余東指海雲生。郎今欲渡緣何事。如此風波不可行。

月暈天風霧不開。海鯨東蹙百川回。驚波一起三山動。公無渡河歸去來。

上皇西巡南京歌

九。天。開。出。一。成。都。萬。戶。千。門。入。畫。圖。草。樹。雲。山。如。錦。繡。秦。川。得。及。此。閒。無。

華。陽。春。樹。似。新。豐。行。入。新。都。若。舊。宮。柳。色。未。饒。秦。地。綠。花。光。不。減。上。陽。紅。

誰。道。君。王。行。路。難。六。龍。西。幸。萬。人。歡。地。轉。錦。江。成。渭。水。天。迴。玉。壘。作。長。安。

秦。開。蜀。道。置。金。牛。漢。水。元。通。星。漢。流。天。子。一。行。遺。聖。跡。錦。城。長。作。帝。王。州。

劍。閣。重。關。蜀。北。門。上。皇。歸。馬。若。雲。屯。少。帝。長。安。開。紫。極。雙。

懸○日○月○照○乾○坤○

黃鶴樓聞笛

一○爲○遷○客○去○長○沙○西○望○長○安○不○見○家○黃○鶴○樓○中○吹○玉○笛○江○
城○五○月○落○梅○花○

下江陵

朝○辭○白○帝○彩○雲○閒○千○里○江○陵○一○日○還○兩○岸○猿○聲○啼○不○住○輕○
舟○已○過○萬○重○山○

望五老峰

廬○山○東○南○五○老○峰○青○天○削○出○金○芙○蓉○九○江○秀○色○可○攬○結○吾○
將○此○地○巢○雲○松○

宣城見杜鵑花

蜀國曾聞子規鳥。宣城還見杜鵑花。一叫一回腸一斷。三春三月憶三巴。

舟下荆門

霜落荆門煙樹空。布帆無恙挂秋風。此行不爲鱸魚膾。自愛名山入剡中。

與賈舍人至汎洞庭

洞庭西望楚江分。水盡南天不見雲。日落長沙秋色遠。不知何處弔湘君。

南湖秋色夜無煙。耐可乘流直上天。且就洞庭賒月色。將

錢買酒白雲邊

洞庭湖西秋月輝。瀟湘江北早鴻飛。醉客滿船歌白紵。不知霜露入秋衣。

長門怨

天迴北斗挂西樓。金屋無人螢火流。月光欲到長門殿。別作深宮一段愁。

巴陵贈賈舍人

賈生西望憶京華。湘浦南遷莫怨嗟。聖主恩深漢文帝。憐君不遣到長沙。

望天門山

天門中斷楚江開。碧水東流向北迴。兩岸青山相對出。孤帆一片日邊來。

陌上贈美人。白馬驕行踏落花。垂鞭直拂五雲車。美人一笑舉珠箔。遙指紅樓是妾家。

從軍行。百戰沙場碎鐵衣。城南已合數重圍。突營射殺呼延將。獨領殘兵千騎歸。

結襪子

燕南壯士吳門豪。筑中置鉛魚隱刀。感君恩重許君命。秦

山一擲輕鴻毛。

魯東門泛舟

日·落·沙·明·天·倒·開·波·搖·石·動·水·縈·迴·輕·舟·泛·月·尋·溪·轉·疑·
是·山·陰·雪·後·來·
水·作·青·龍·盤·石·隄·桃·花·夾·岸·魯·門·西·若·教·月·下·乘·舟·去·何·
啻·風·流·到·剡·溪·

望廬山瀑布泉

日·照·香·爐·生·紫·煙·遙·看·瀑·布·挂·長·川·飛·流·直·下·三·千·尺·疑·
是·銀·河·落·九·天·

蘇臺覽古

舊苑荒臺楊柳新菱歌清唱不勝春只今惟有西江月曾
照吳王宮裏人

送外甥鄭灌從軍

六博爭雄好彩來金盤一擲萬人開丈夫賭命報天子當
斬胡頭衣錦回

贈汪倫

李白乘舟將欲行忽聞岸上踏歌聲桃花潭水深千尺不
及汪倫送我情

哭晁卿衡

日本晁卿辭帝都征帆一片繞蓬壺明月不歸沈碧海白

雲愁色滿蒼梧。

王昌齡二十四首

閨怨

閨中少婦不知愁。春日凝妝上翠樓。
忽見陌頭楊柳色。悔教夫壻覓封侯。

聽流人水調子

孤舟微月對楓林。分付鳴箏與客心。
嶺色千重萬重雨。斷腸收與淚痕新。

梁苑

梁園秋竹古時煙。城外風悲欲暮天。
萬乘旌旗何處在。平

臺賓客有誰憐

別李浦之京

故園今在灞陵西江畔逢君醉不迷
小第鄰莊尙漁獵一封書寄數行啼

李四倉曹宅夜飲

霜天留飲故情歡銀燭金爐夜不寒
欲問吳江別來意青山明月夢中看

送柴侍御

沅水通波接武岡送君不覺有離傷
青山一道同雲雨明月何曾是兩鄉